



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Annales Mariani Societatis Iesv**

**Nádasi, János**

**Romæ, 1658**

Anno MDCXVI.

**urn:nbn:de:hbz:466:1-42840**

524 *Contraci hoc anno 3. Oct. obiit P. Adri-  
nus Arboreus, qui tribus coronis & Litanis quotidie  
recitatis à B.V. petebat vt eius ope in Dei gratia, &  
in Societate perfisteret; ac ab illa in mortis articulo  
potissimum iuuaretur. De hac vetus Missale Mo-  
rinense: Tibi cordis in altari Decet preces immolari,  
Virgo Sacratissima. Nam cum in se sit inepta, Tuo nata  
fit accepta Per te precum victima.*

*Pensum  
precum il-  
li persolue  
re.*

*Parnassi  
Mariani  
p. 322.*

## ANNO MDCXVI.

525 P. Bernardinus Realinus (hoc anno Lu-  
pijs die B.V. Visitanis extinctus) explicatè dixit, &  
scripsit; se suam vocationem, & puritatis nullis tur-  
pium imaginum spectris perturbatæ tranquillita-  
tem Deiparæ præsidio debere. Optabat in Socie-  
tate infimæ hominum classi ad labores adscribi,  
quòd temporarijs potiùs quàm Scholasticis occupa-  
tionibus dignum se, idoneumque censeret; dice-  
retque illud se optare quòd piam illam seruitutem,  
feruenti plus otij sit futurum ad precum orbiculos  
Cælesti Virgini euoluendos, nempe à qua de ineun-  
da Societate luculentum auxilium accepisset. Cer-  
tè illa quæ magni consilij Angelum peperit, nobis  
consilium auxiliumque suppeditat, si rogetur. Hinc  
illud S. Ioann. Damasceni hoc ab illa postulantis:  
*Prosperum iter concede nobis, vt incedamus per semitas  
ducentes ad fruitionem sempiternam, & ad delicias incor-  
ruptibiles, & nunquam interituras.*

*m. f. Dom.  
ad vesp.  
ode 3.*

*cap. 12.*

526 Idem tyronibus præesse iussus, eos multifa-  
riam percolebat: imprimis verò (quod ait recens  
& perdiligens eius vitæ scriptor Leonardus) ingenti  
erga Deiparam studio molles animos altè imbue-  
bat; illudque potissimum obsequij demandabat, vt  
vt percursâ frequenter ad calculos Saluatione An-  
gelicâ Virginem commendarent. Hac iur ipse,  
hac

hac Marianos Societatis Procères ductu Ignatij præiuisse vidit, hac eundem suis præscripsit, vt inde vegetum quoddam, expolitum, & vicens ad omnem sanctimoniam ingenium haurirent, & MARIANUM hunc quo semel est imbuta recens seruaret odorem testa diu. *Origo fontium, inquit Bernardus, & fluminum mare, virtutum auctrix, & scientiarum scientia Sanctarum MARIA.*

tom. 2. f. 1.  
in Salve  
Reg.

527 Idem Bernardinus cum in quampiam ædiculam semigrasset, seque istic supplex de genibus clientelæ illius mancipasset, admirabili puritatis amore, suauissimâ dulcedinis à cogitatâ DEI Matris ope manantis affluentia, deque ijs quæ puritati aduersantur victoriâ, & pace auctus est.

vid. c. 12.

528 Idem cuidam qui Deiparæ ope à morbo conualuerat, dixit se pro actione gratiarum flosculum ad Deiparam eius nomine ferre velle. Excitabat illum ad teneram erga cultum Deiparæ pietatem; nec volebat vllum eius beneficium sine gratiarum actione præteriri. *In te, inquit Ioannes Damasc. in te spem salutis meæ reposui: & te præsidem, ac Patronam vitæ meæ firmam, atque immobilem constituo.*

Gratias  
illi agere  
pro sani-  
tate re-  
cepta.

ibid. ode 6.

529 De orandi modo interrogatus P. Bernardinus Realinus, respondit; iuuare aliquando, tantisper intermisso historiæ quam meditatur filo, Pater & Ave interserere, ad IESV & MARIÆ opem in orando necessariam implorandam. Iuuabit ad IESVM cum Apollolis dicere: Domine, doce me orare: & ad MARIAM: Domina, doce me orare. Ita hæc domine-  
tur mihi, ait S. Ildesphus ad IESVM, vt ex hoc nouerim me placuisse tibi: ita dominium eius me teneat in seculum, vt tu sis meus Dominus in æternum.

B. V. orandi  
magistrâ  
adhibere.

lib. de Vir-  
gin. B. V.  
cap. 12.

530 P. Bernardinus, si quod nouum miraculum de B. Virg. resciscibat, statim illud verbo & scripto lon-

Eius mi-  
racula  
propalare.

in Assumpt.  
B.V.

Valde esti-  
mare Sal.  
Angelicā.

m. s. fer. 2.  
ad vesp.  
ode 9.

Per illam  
adhibere  
remedium  
pro tenta-  
tis.

Incitam.  
n. 54.

longè ac latè porrigere, ac vbique sciri volebat: vt ne quid moræ inijceretur in gloria Deiparæ propa- ganda. *Arboris huius pulcherrimæ, vt monet S. Bruno, nunquam obliuiscamur; ad ipsam semper respiciamus, fructum vitæ & salutis ab ea quæramus.*

531 Agnoui, scribit latinè in meditatione qua- dam P. Bernardinus Realinus, hanc Salutationem Angelicam magni faciendam. 1. quia à SSS. Tri- nitate est ordinata: nec enim solent nuncij, qualis fuit Angelus Gabriel, referre, nisi quæ à Dominis suis accepta habent. Si miramur orationes Cice- ronis, quanto magis DEI? 2. quia ab Angelo re- citata. 3. quia ad Beatissimam Virg. relata est, magnos enim magna decet. Idcirco in senectâ Bernardinus cum otio abundaret, sæpè duodecies corollam B. Virg. sæpè crebrius recitabat quotidie, idemque noctu factitabat. Aiebat *Pater & Aue*, ita præcationibus alijs antecellere, vt suum velut ex opere operato pretium habeant. Illam à SS. An- gelis etiamnum sic salutari: *Aue MARIA gratia plena Dominus tecum. Ostende te mihi, Virgo*, ait ad illam supplex S. Ioannes Damascenus, *& anima mea tene- bricosam noctem immaterialibus lucis tuæ fulgoribus il- lustra. Porta enim es diuinae lucis: effice vt sempiternis replear delicijs, qui te iugiter sine intermissione magni- ficem.*

532 Iosephus Papina iuratus affirmat se ad P. Bernardinum accessisse, vt contra suas quasdam tentationes apud illum remedium inueniret. Edo- cum se ab illo, vt quoties vrgeret tentatio, toties piè cum insigni fiducia sic ad IESVM & MARIAM recurreret: *GIESV, MARIA, siate in mia compagnia. Perche se mi mostrate la via. Sarà salua l'anima mia.*

Quæ

Quæ latinè ferè ad verbum sic sonant :

IESV , MARIA ,

*Estote in societate mea*

*Si enim per vos monstrata mihi fuerit via*

*Salua erit anima mea .*

S. Ioannes Damascenus : *Aduersarum cogitationum tempestate, vitæque procellis exagitatus, ac ventis inordinatis infesti mundi rectoris vndequaue iactatus, clamor ad te, ò Virgo ! Vide ærumnosæ animæ meæ miseriam, & hostium inuisibilium consilia dissipa . Tu enim eos qui in periculis versantur potes libarare .* m. s. fer. 3. ad vesp. in.

539 Alij præclarissimæ, & castissimæ indolis adolescenti, qui se multifariam excruciat, vt à lasciuis dæmonis, carni multa inquinatè suggerentis infidijs incorruptè atque innocenter quietus maneret, opem à Dni Matre pollicitus suavit, vt cum ab immundo illo colaphizaretur, cor ter signo Crucis signaret, ac diceret : *Per sanctam Virginitatem tuam, purissima Virgo, emunda carnem meam In nomine Patris, & Filij, & Spiritus Sancti.* Caritas. Adolescentens obedienter id executus, iurisiurandi religione affirmavit postea se per omnem vitam nunquam id genus stimulis agitatum : idque se authore alijs quoque permultis, nunquam irritò eius operæ pretio in usu fuisse. Aiebat, & scribebat Realinus ; IESVM, & MARIAM sibi misericordiæ Patrem, & Matrem esse . S. Sabbæ oratio est : *Latitia tua ò Virgo, quæ in homines sine fine redundat instar roris matutini, illam æstuantem ærumnarum fornacem, qua encomiastæ tui in hac subinde vita vexantur perpetuò sopit ac mitigat .* Meneæ 2. Iul. Hoc rore matutino dies totus est aspergendus. Aue Maria rudes docere cū magna patientia.

534 P. Bernardinus Realinus, vt barbaris quibusdam mancipijs hæc tantum verba ; *Aue MARIA gratia plena inculcaret, laboriosâ planè patientiâ* quint.

O O

quin-

quinque aliquando vel vni edocendo dies impendit, tribus quotidie horis illi labori concessis: idque faciebat Deiparæ per aliorum etiam linguas honorandæ studio, patientiâ quâ demum seu demonis hominem obtudentis operam, seu ipsius ingenij duritiem superavit. Græci 1. Ianuarij in suis Menæis Deiparam hisce verbis celebrabant: *Ad te pro dignitate laudandam omnis inops est lingua: etiamque animus excelsior mundo in laude tua vertiginem sensit, ô Deipara!* Doceamus ergò linguas omnes, quantumuis rudes & barbaras, laudem Virginis. Bene fit horis illis quæ in tam pretiosis occupationibus effluunt in æternitatem.

*Ad victoriam vitij sui per Examen particulare adhibere B. Virginem.*

*Neminem iudicare.*

*Menæa S. Marij.*

535 Idem in quotidianis conscientiæ discussionibus deprehendebat se, oculo in scopum altæ sanctitatis fixo intentum; ac si quis ab eo aberraret facile pronum esse ad iudicium ac sententiam de illo ferendam. Quare particulari examine adhibito se ab illâ sinistrè de alijs iudicandi facilitate prohibere statuit: egitque quanto potuit conatu, atque accuratione per omnem artis ab Ignatio præscriptæ industriam, adnotatis in libello punctis cum vinceret, aut vinceretur: id quod vt feliciter caderet, hac potissimum arte perfecit; vt & nihil ex sua contentione remitteret, & Beatissimæ misericordiarum Matri supplex fieret pro gratia, cuius ope victor ab hoste illo euaderet. sensit manifestum operæ pretium, & MARIE subsidium. quare Eucharisticum illi carmen elego metro composuit; quod de illo suo vitio sui victore, se victorem tantâ agnosceret per Virginem gratiâ cummlatum. Verum est, eritque semper longè verissimum, quod solidâ erga Deiparam pietas sit cathedra eminentissimæ sanctitatis. *Domine,* ait ad CHRISTVM Græca Ecclesia, *Tu vt*  
nos

nos viam doceres quæ ad sanctitatem perduceret, in sacratissimo Virginis utero cum omni sanctitate tua confidisti.

536 Non nemo retulit se sordidarum contra castitatem cogitationum dehonestamenta mente exturbasse acceptâ in manus coronâ quâ utebatur olim P. Bernardinus in B. V. salutandâ. Audiamus orantem ad B. V. S. Ioannem Damascenum: *Riuus tuis ex quibus aquæ viuæ dimanant, irriga seruum tuum, qui peccatorum incendio comburitur, ac demonum inuasionibus obtenebratur, ò Virgo Mater inuiolata.*

Corona B. V. uti pro presidio constituitis.

m. s. fer. 3. ad vesp. ode 5.

537 In Collegio Lupiensi quædam Patrum cubicula crebro strepitu, & spectris terrebat iniquus genius. In vno visum etiam est quiddam hirco simile, è cuius naribus ignis atro fumo permixtus vndabat. P. Bernardinus nihil perturbationis deinceps fore promisit si Cruce fronti impressâ (id quod vni eorum suaserit) semel Virginis Matris honori, semel verò Angelo tutelari salutationem Angelicam vesperi recitarent. Verum dixisse, ac benè suasse ostendit euentus, perturbatore illo istic deinceps nec audito, nec viso. *Fortitudo mea, pergit iterum Damascenus, laus, & salus, firma defensio, & murus inexpugnabilis cum sis, Domina, oppugna impugnantés me demones, qui semper querunt morti tradere me.*

Contra spectra uti salutatione Angelica.

m. s. ibid. ode 7.

538 Idem P. Realinus cum extremâ iam ætate diuino sacrificio operari haud posset; quemadmodum hætenus quothebdomadis vnum pro vita functione suo Patre & Matre sacrificium offerebat; ita deinceps precario seruo sæpius Deiparæ salutem dicens, eosdem adiurumibat. *Sentiat, ait S. Bonaventura de anima DEI Matri addictâ, & in expiatorio igne pœnas dante, sentiat in pœnis refrigerium tuum; & concede ei locum inter electos DEI.* Idem

Illius coronam pro Patre & Matre vni aut mortuis recitare.

ps. 19.

*precatorem se* pro quodam recitaturum promisit qui graui conuitio læsus, vltionem omnem, Bernardini rogatu, remiserat.

*Paruulos ad illam laudandam excitare.* 539. Idem pueros diuinâ cathechesi parans imbuere, primùm illos modestiam edocebat; mox Angelico illo more compositos commonebat vt ad hauriendos cælestis doctrinæ fatus docilem à Deipara mentem, illustrationemque postularent. Ita ille innocentes linguas ad laudandam illam adhibuit chi laudandæ sibi vel centum linguas fore impares dixit Bernardus, linguamque suam infantem esse atque indignam.

*Noctu orare.* 540. Idem, autor erat Nostris, vt quandoquidem è Societatis instituto per nostra munia nobis noctu ad officij diuini pensum surgendi consuetudo non est, certè noctu experrecti animum illicò in cælum eleuarent, atque orarent. Ipse verò solebat noctu Lupijs ad B.V. Annunciata ædiculam se conferre, ibique productè nocturnis horis coram eius ara pietati litare. Ibi etiam ab extrarijs deprehensus est. Laudemus illam noctu quoque in qua Solem, Lunam, stellas agnoscimus. Cui Bernardus: *Omnibus firmamentis firmius firmamentum tu, Domine. Posuit in hoc firmamento DEVS Solem & Lunam, CHRISTVM & Ecclesiam, & stellas, prerogatiuas gratiarum multas.*

*Contra distractiones illam adhibere.* 541. Idem P. Realinus ad earum quæ aberranti orantis menti se interfundunt euagationum coercionem hoc remedio utebatur, idemque suadebat alijs; vt pro interspiratione Dominicam precationem, Salutationemque Angelicam recitarent, ad profligandos hostes, ope, ceu clypeo, cælestis Patris ac Matris, è qua, vt ait idem Bern. non solum clypei pendent, sed & omnis armatura fortium, Nihil est enim virtus.



*virtutis quod ex te non resplendeat : & quicquid singuli habuere Sancti, tu sola possedisti .*

542 Deprehensus est flexis in genuali sui con-  
clavis subsellio genibus , explicatis in Crucis figu-  
ram manibus, perfusus lachrymis IESVM & MARIAM  
flagranter orare familiari suo illo carmine de quo  
supra, ne ab eorum confortione separaretur, verum  
vt cum ijs coniunctus vbique permaneret, ac sem-  
per . *Dominus tecum, inquit Bernardus, & tu mecum:*  
*dignare me laudare te.*

543 Illud etiam præclarum est; vt horæ diei, ac  
noctis singulæ DEI Matri dedicentur . Nonne duo-  
decim sunt horæ diei? certe Bernardinus iam se-  
nex vltima suæ ætatis tempora DEI Matri è saluta-  
torijs illis de filo orbiculis precatone Angelicâ sa-  
lutandæ quàm studiosissimè transcribebat . Aiunt  
corollam illam seu sertum salutationis Partheniæ  
intra diei curriculum duodecies, vel ter ac decies  
aliquando, ac noctu totidem vicibus, ab eo repeti-  
tam . Affiduè illam salutari, immolarique ei ho-  
stiam laudis *de hora in horam* vult Bernardus, adij-  
ciens : *Diuinæ pietatis abyssum cui vult, & quando*  
*vult creditur aperire .*

544 Idem in morbis, & rebus dubijs Deiparam  
adhiberi consultricem, adiutricemque iubebat,  
euentu etiam in difficillimis longè felicissimo . id  
quod expertus est adolescens ille, cui Leonardus de  
Anna (post ea quæ lib. 3. c. 1. in rem nostram adno-  
tauit) scribit à Bernardino datum consilium, dicen-  
te : *Omnia ex voto succedent, fili., si Patronam*  
*Cæli Reginam Virginem vocaueris, ac solennibus*  
*verbis saluere iusseris: Data est ei, ait Bern. potestas*  
*in calo, & in terra. Oculi omnium Christianorum in ea*  
*sperant, & ipsa dat eis escam gratiæ (qua plena est) in*

*Plura Leo-  
nardus lib  
2. c. 3.*

*Iaculato-  
rys repe-  
titis vii.  
ser. 1. su-  
per Salve  
Reg.*

*Singulas  
horas B.  
Virgini  
dedicare.*

*f. 1. super  
Salve .*

*Consilia B.  
V. sequi.*

*lib. 3. c. 7.  
13. 15. 17.  
18. & ult.*

*Bern. f. 1.  
super Sal-  
ue.*

*tem-*

tempore opportuno . De morte Bernardini vide  
Incitamenta n. 156. & 157.

Ad illam  
celebran-  
dā in festis  
ingeniā in-  
uitare .

545 In Collegio Potosino apud Peruanos, hoc  
anno Sodales B. V. festum angustius celebraturi,  
præter varios & splendidos apparatus, edicto publi-  
co, magnisque præstitutis præmijs, ingeniorum om-  
nium florem, & quisquis aliquid posset, ad B. V.  
laudes quàm exaggeratissimis cultissimisque versibus  
canendas inuitarunt, acuerunt, & inflammârunt,  
pio, nobili, & iucundo sanè certamine. Mis-  
sile Romanum vetus: *Psalle, psalle nisu toto, Cordis,*  
*oris, voce, voto, Ave plena gratia.*

Parnassi  
pag. 154.

Ancillas  
dare, Dei-  
para .

546 In Collegio Arequipano ibidem erecta  
recens Sodalitas *Ancillarum B. Virginis* in templo  
nostro, nobilissimis totius Ciuitatis fæminis illi  
nomen suum inscribendum offerentibus, & in fa-  
cello suo ad MARIANÆ pietatis officia frequen-  
tissimis.

In Cate-  
chismo B.  
V. cultum  
per indu-  
striã ex-  
tendere .

547 Calari in Sardinia hoc anno Parrum  
quispiam doctrinæ Christianæ concionem extendit  
ad duo millia auditorum. Is ad DEI Matris cul-  
tum prouehendum eâ industriã utebatur, vt semper  
gratum aliquod & utile de B. Virgine exemplum  
concioni tam magnæ narraret. Postmodum sche-  
dulam donabat singulis, in qua breuis aliqua de  
B. Virgine sententia, vel saluatio, & virtutis alicuius  
per illam adipiscendæ petitio continebatur.

Nouem  
dies sacros  
ante B. V.  
partum co-  
lere .  
Sabbati  
cultus .

548 Panormi nouendiales Virginis paritura  
honoribus dicatæ feriæ superioribus annis haberi  
cœptæ, hoc anno angustius increuere. In Syracu-  
sano Collegio celebris in templo nostro diuerbera-  
tio singulis Sabbatis, & B. V. vigilijs instituta.

549 Egregiam seruitutis, & mancipationis  
tesseram suâ manu descriptam in Lipsanotecula  
sua

fua è collo gestaffe P. Ioannem de Valle 18. Nouemb. 1616. in noua Hispania occisum, inde in comperto est, quòd pendentem è collo illius thecam reliquiarum cum aperiret Gubernator, vnâ cum sacrae Crucis fragmento illam tesseram inclusam repererit. In apparando B. V. Præsentata festo occupatum occupauit furor barbarus in omnia templa & quicquid Christianum esset latè bacchatus. Demuscor nostrum isti Dominae in mancipium: vt ipsa illud castiget, liget, domet, exerceat. Hoc optabat Damascenus ita illam precatus: *Bonum effice, Domina, miserum cor meum; quippe qua bonum peperisti, & tota bona es, & ad bonas penitentiae portas inducis me.*

550 P. Ioannes de Valle celebrem quandam B. V. imaginem interdium, ac de nocte crebrò visitabat in genua prouolutus, quæ imago Virginis cum P. Ioannes à Barbaris trucidaretur & ipsa telis confixa est. Pergit Ioannes Damascenus veluti Deiparae mancipium, aitque: *Flecto nunc coram te, ò Domina Virgo, vt seruum decet, genua mea cum gemitu*

551 P. Ioannes de Valle Rosarium sibi ipse concinnauit, quod Sabbatinis diebus, & B. V. vigilijs, ac festis recitabat. loco minorum granorum 150. repetebat conceptis verbis gratulationem quâ illi de maternitatis & virginitatis gloriâ gratulabatur, &c. sic: *Gratulor tibi, Domina, quòd sis DEI Mater & Virgo!* vel sic: *sancta MARIA DEI Mater & Virgo, gratulor tibi de gloria tantæ maternitatis & virginitatis tuæ.*

552 P. Ioannes de Valle populos vicinos eâ erga Deiparam pietate imbuebat, vt illi se omnes MARIAE in seruos manciparent. Id ille pro se chirographo virginei sui sanguinis caractere conscripto præstitit: & catenæ loco B. V. coronam sibi circum-

Formulã  
se mancipi  
padi B. V.  
de collo ge  
stare.

Præsent.  
B. V.

m. s. fer. 3.  
ad vesp.  
ode 9.

Noctu ei  
imaginem  
venerari.

m. s. fer. 2.  
ad vesp.  
initio.

Rosarium  
pro festis  
B. V. &  
Sabb. ex-  
cogitare.

Seruum  
Deiparae  
se facere.

ds-

dedit : quam positis humi genibus quotidie suavis-  
simè pertexebat, quasi seruus diceret suæ Dominæ  
cum S. Ildefonso : *Concede mihi adharere DEO, & ti-*  
*bi : seruire Filio tuo, & tibi.*

lib. de vir-  
ginit. B. V.  
c. 12.

Mane B.  
Virgini  
censu da-  
re.

553 P. Ioannes de Valle clientelæ suæ pretium,  
& velut censum capitis dabat manè quotidie Regi-  
næ cæli Dominæ suæ, illius diei cogitationes, &  
quicquid acturus esset atque dicturus. Illi caput,  
illi cor, & quicquid in illis officinis fieret deuoue-  
bat : deinde os linguam, & manus : ac denique Do-  
minæ esse voluit quicquid esset serui, siue mancipij,  
Ideò (pergit ibid. S. Ildefonsus) *Ideò ego factus sum*  
*seruus tuus quia tu facta es Mater factoris mei.*

Obsequia  
erga B. V.  
descripta,  
è collo ge-  
stare.

554 P. Ioannes de Valle omnia quæ Deiparæ  
amori faciebat obsequia (vnà cum eâ, de qua dixi,  
mancipij formulâ) descripta gestabat è collo. Ei-  
dem auditum MARIÆ nomen inflammatum in-  
vultu ruborem ciebat; ardescens oculis, ac tene-  
rè colliquescentibus. Hoc nomen voto quotidie  
renouato ita coluit, vt quicquid suo statui consen-  
taneum peteretur, lubens annueret, si hoc nomine  
interposito peteretur. Nihil consilij, nihil operis  
aggrediebatur nisi hoc nomine in consilium &  
opem vocato. Cultum à Societate, MARIÆ nomen,  
idque augustè omninò celebratum libris de hoc  
argumento conscriptis, ipsi libri loquuntur pietate  
ac eruditione referti. *Benedicite*, ait Psalmista Dei-  
paræ, *benedicite nomen MARIÆ Matris DEI : & susci-*  
*tabit vobis voluptates sempiternas.*

B. V. no-  
men ubi-  
que in con-  
siliis ad-  
hibere.

S. Bonau.  
psal. 144.

Votū Sab-  
batini ie-  
iunij è col-  
lo gestare.

555 P. Ioannes à Fontibus anno 1616. 19. No-  
uemb. in Mexico cæsus est in odium fidei. In hu-  
ius theca reliquiaria repertum est ipsius sanguine  
scriptum votum quod ille nuncupârat, scripserat, &  
signo sacri numismatis firmarât, fore vt B. V. Matris  
hono:

honoris Sabbati diebus singulis ieiunaret. Sic è col-  
lo ad pectus & cor gestanda est MARIAE memoria,  
vt ab illa id impetres quod S. Ioannes Damascenus  
petebat: *Opulentas misericordias tuas effunde super  
nos, ò Virgo l. cordis mei catenas, atque agritudines dis-  
solue. Stillas compunctionis infunde mihi, vniuersas  
cordis plagas sanans, & socordia mea turbidas alluio-  
nes coërcens.*

feria 4. ad  
vesperas  
ode 4.

feria 3.  
ode 4.

556 P. Thomas de Villacastin (vt autor est Mar-  
raccius in Biblioth. Mar.) Valentiaë hoc anno typis  
vulgauit Hispanicè, *Manuale vite, & virtutum  
B. Virginis.* Eiusdem sunt Vallisoleti edita anno  
1617. *Meditationes de B. V.* Etiam in edito Valentiaë  
anno 1635. *Exercitio diurno*, quod Regina Hispaniaë  
dedicauit, multa habet de Rosario, & alijs  
quotidianis erga DEI Matrem obsequijs. Et ad  
calcem addit Indulgentias olim à Clemente III.  
concessas ei qui B. Virginem salutauerit in hunc  
modum:

cap. 20. 57  
21. fol. 257

*Aue, Filia DEI Patris.*

*Aue, Mater DEI Filij,*

*Aue, Sponsa Spiritus Sancti.*

*Aue templum totius Sanctissima Trinitatis.*

*Pater noster. Aue MARIA.*

557 Compluti hoc anno inducta in custodijs  
publicis à nostris consuetudo, vt captiui alterno ve-  
lut choro alijs alijs respondentes quotidie Rosarium  
Beatissima Virginis recitarent.

mortuus  
1616. 21.  
Febr.

558 P. Alphonsus Rodriguez solidæ virtutis ma-  
gister singularis, dum coronamentum apponit  
parte 1. tract. 8. doctrinaë de voluntatis nostræ cum  
diuina coniuratione, ait, voluntatem DEI esse sum-  
mum illum amorem quo se prosequitur, vt sit id  
quod est; Sanctos, DEI voluntatem in cælis facere,

Dei Ma-  
trem soli-  
da virtute  
amare.  
cap. 32. 57  
cap. 34.

P P

idem

idem illi volendo. Nos idem in terris posse facere circa B. Virginem gratulando illi de illa gratia & gloria quam illi vult DEVS, volendo illi idem quod ille. Atque hoc esse solidum pietatis genus, in eius festis ad Ecclesiae imitationem, dicentis: *Hodie MARIA Virgo celos ascendit: gaudete, quia cum CHRISTO regnat in eternum.*

obiit Madridi 1616.

Typis minutis cultum illius propagare.

m. s. fer. 3. ode 8.

Coronam prerogatiuarum B. V. recitare

et Sanctis olim Deipara additis amorem erga B. V. mendicare.

559. P. Iacobus de la Fuente Beatissimae Virg. colendae, & per frequentes iaculatorias preces alloquendae addictissimus, eiusdem seruorum Congregationem instituit, & ea de re folia impressit ac sparsit illi cultui propagando: in carceribus eiusdem imagines collocavit, futuras incitamento captiuis. *Audi, inquit, S. Ioannes Damasc. ad B. Virginem, audi suspirium quod exit à corde meo.* Haec suspiria sunt iaculatoriae orationes, breuia & magna compendia cum Deiparae colendae, tum omnis sanctimoniae comparandae.

560. Madridi in Domo Probationis hoc anno felicem quem à DEO per Deiparam quotidie petebat diem obiit summæ patientiae, ac erga Deiparam pietatis vir P. Bartholomaeus Velez per annum integrum ita æger, vt sine dolore se commouere haud posset. Colebat hic Deiparam quotidiano rosario consueto illo, & alio quodam sat longo è Deiparae titulis, prerogatiuis, & vt vocant, excellentijs quibus creaturas superat vniuersas composito, singulas illi tenerrimè gratulatus. Taceo quodiam nos quinque psalmos quorum primæ literæ MARIAE nomen conficiunt; taceo persanctam Deiparae, horologij admonitu, recordationem. Illud habet aliquid industriae quod ex annuis hinc refero: Collegerat nomina eorum Sanctorum qui in vita Matri DEI deuotissimi fuerant: ea ille recitabat quotidie,

postulabatque vt ipsi quoque erga D<sup>NI</sup> parentem, deuotionem maiorem & pietatem impetrarent, ac sanctum è præsentè vita decessum.

561 Angelicâ salutatione attentè recitatâ vtendum ad expugnandos animos duriores. Expertus id hoc anno est illustrissimus Toparchæ germanus Nouodomi, qui hæresim tam altè imbiberat, vt de religione Catholica nihil ad aures vellet admittere. Huic animo expugnando Deiparam præfecit is de Societate qui adolescentis erat magister. Quare adolescenti tandem persuasit, vt *Aue MARIA* Regina cæli corde attento recitaret. Fecit; & mox animo diuinæ Virginis ope subactò Catholicæ fidei manus dedit.

*Salutatione Angelica corda expugnare.*

562 In Collegio Gaditano reductis ad fidem alijs vnus Puritanus hærebat in hæresi obstinatus. Exarsit Pater de Societate quidam ipso B. V. Assumptæ die; & Quinam pateris, inquit, ô Angelorum Regina, peccatorum refugium, vt eo ipso die quò tu gloriosa cælos ascendis, miser hic & infelix ad dicatur supplicijs sempiternis? Non ita, Domina, Mater misericordiæ: fac potius vt hic etiam eam quam reliqui, veritatis & salutis viam ingrediatur. Res mira! Vix Pater verba finierat, cùm ille lachrymis vbertim manantibus ad fidem conuersus est.

*Pro hæreticis illam orare.*

### ANNO MDCXVII.

563 P. Aegidius Schondoncus 29. Ian. hoc anno migravit è vita. Magno ingenio, dexteritate, facilitate, solertiâ, gratiâ cultum Deiparæ prouehabat vbique, ac potissimum in iuuentute quam regebat. *Aue MARIA* ad singulas horas religiosè recitare tam sanctè consueuerat, vt nulla vllius quocum loqueretur authoritas, nulla humani vllius negotij

*Aue Maria ad singulas horas constanter recitare.*